



Pranuar / Dorezuar Priljeno / Prilazno Received / Delivery	22. 01. 2024	9	viti god year
Organ / Rrethja Organ / Jednica Org / Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKM/SHQ/	399/2024		116



**Republika e Kosovës**  
**Republika Kosova – Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVO**

**A.nr.1564/2023**

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave në përbërje nga: Malsore Gashi-Bajraktari, Arben Mehmeti dhe Ardita Haxhnikaj-Demi-anëtarë, me Kaltrina Avdullahi-Prenaj, Zyrtare e Lartë për Bashkëpunim Profesional, ka shqyrtuar ankesën me numër A.nr.1564/2023, të datës 26.12.2023, të parashtruar nga ankuesja kundër Raportit të Komisionit për Vlerësimin e Sistemeve Shtetërore të Informacionit dhe Komunikimin me Rëndësi Strategjike i miratuar sipas Vendimit Nr.23/165 të datës 12.10.2023 të Qeverisë së Kosovës, në çështjen juridike "Kërkesë nga marrëdhënia e punës", duke vepruar në pajtim me nenin 6, paragrafin 1, nën paragrafin 1.1 dhe nenin 18, paragrafin 1, nën paragrafin 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe në mbështetje të Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 22.01.2024, mori këtë:

**V E N D I M**

- I. Aprovohet si e bazuar ankesa me numër A.nr.1564/2023, e datës 26.12.2023, e parashtruar nga ankuesja ndërsa, çështja kthehet në *rishqyrtim dhe rivendosje* të Komisioni për Vlerësimin e Sistemeve Shtetërore të Informacionit dhe Komunikimet më Rëndësi Strategjike.
- II. Obligohet Komision për Vlerësimin e Sistemeve Shtetërore të Informacionit dhe Komunikimet më Rëndësi Strategjike, që brenda afatit prej pesëmbëdhjetë (15) ditësh, nga dita e pranimit të këtij vendimi, të rishqyrtoj çështjen e përfshirjes së pozitës *Zyrtare e Teknologjisë Informative për Ndihmë Online* në listën e eksperteve dhe të ndërmer veprimet e nevojshme ligjore në pajtim me dispozitat ligjore në fuqi dhe pikëpamjet juridike si në arsyetimin e këtij Vendimi.
- III. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë Vendim.

**A r s y e t i m**

Ankuesja më datë 26.12.2023, ka parashtruar ankesë në Këshillin e Pavarur Mbikëqyrës për shërbimin Civil të Kosovës, e cila është protokolluar me Nr.prot.7655/2023 dhe është regjistruar nën shenjë A.nr.1564/2023, kundër Raportit të Komisionit për Vlerësimin e

Sistemeve Shtetërore të Informacionit dhe Komunikimit me Rëndësi Strategjike i miratuar sipas Vendimit Nr.23/165 të datës 12.10.2023 të Qeverisë së Kosovës, lidhur me aprovimin e listës së eksperteve sipas shtojcës 14.4 të Ligjit Nr.08/L-196 për Pagat në Sektorin Publik, me pretendimin ankimor se pozita e Zyrtares së Teknologjisë Informative për Ndhimë Online, brenda Sektorit Ndhimë Online dhe Promovimi i e-Qeverisjes/Drejtorati për Zhvillimin e e-Qeverisjes/ Agjencia e Shoqërisë së Informacionit, të klasifikohet në kategorinë e merituar, Ekspert/e 7, Kategoria B7, Koeficienti 10.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 03.01.2024, ka proceduar kërkesën për përgjigje në ankesë në Komisionin për Vlerësimin e Sistemeve Shtetërore të Informacionit dhe Komunikimit me Rëndësi Strategjike, ndërsa, ky i fundit, me datë 09.01.2024, ka përcjellë përgjigjen në ankesë së bashku me provat materiale lidhur me këtë çështje.

*Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova:* Ankesën me numër protokoll Nr.prot.7655/2023 të parashtruar më datë 26.12.2023 nga ankuesja në Këshillin e Pavarur Mbikëqyrës për Shërbimin Civil të Kosovës; Vendimin me numër Nr.23/156 të datës 12.10.2023; Raporti i Punës së Komisionit për Vlerësimin e Sistemeve Shtetërore të Informacionit dhe Komunikimit me Rëndësi Strategjike; Strategjia e Kosovës për Qeverisje Elektornike për vitin 2023-2027; Rregullore (QRK) NR.11/2023 për Ekspertët e datës 06.02.2023; Vendimin me numër Nr.ASHI/338/2023 të datës 26.10.2023; Kërkesën për përfshirjen e stafit të ASHI në kategorinë e ekspertëve të datës 23.10.2023; Komunikimet elektornike të datës 25.10.2023, 26.10.2023 dhe 27.10.2023; Certifikatën e datës 16.04.2002; Certifikatën e datës 14.07.2003; Certifikatën e datës 04.03.2002; Diplomën për aftësimin në kompjuter të datës 03.05.2001; Certifikatën e datës 03.07.2002; Diplomën e datës 19.04.2001; Certifikatën e datës 15.12.2001; Certifikatën e datës 10.09.2001; Certifikatën e datës 18.03.2002; Kopjen e letërnjoftimit me numër 237789 të datës 17.09.2019; Dëshmi me numër Nr.09/9-2320/1 të datës 05.06.2015; Certifikatën e datës 25-26 shkurt 2019; Certifikatën e datës 08.06.2026; Certifikatën Nr.2986 të datës 16.01-20.01.2023; Diplomën me numër Nr.020-00180-201 të datës 23.06.1995; Dëshmi e datës 17.08.2004; Certifikatën e datës 02.02.2002; Certifikatën e datës 10.03.2002; Certifikatën e datës 27.12.2001; Certifikatën e datës 20.12.2001; Diplomën me Nr.1572 të datës 25.03.2009; Certifikatën për muajin korrik 2004; Certifikatën e datës 20.01.2002; Certifikatën e datës 09.01.2002; Certifikatën e datës 04.04.2002; Certifikatën e datës 14.12.2001; Certifikatën e datës 15.02.2002; Kontratën e marrëdhënies së punës me numër 3/2004 të datës 07.05.2004; Referencën personale e datës 01.11.2001; Referencën personale Nr.01/06 të datës 15.06.2006; Kontratën e marrëdhënies së punës me numër 6/2009 të datës 18.03.2009; Dëshmin e datës 03.12.2001; Akt Emërimin e datës 03.10.2016; Kontratën e marrëdhënies së punës me numër 7/2010 të datës 23.03.2010; Kontratën e punës të datës 02.05.2003; Rregulloren Nr.2001/36 mbi Shërbimin Civil të Kosovës; Kontratën e marrëdhënies së punës me numër 4 të datës 02.05.2006; Kontratën e marrëdhënies së punës me numër 5/2008 të datës 16.05.2008; Kontratën e marrëdhënies së punës me numër 7/2011 të datës 29.04.2011; Referencën e datës 24.08.2001; Kërkesën për përgjigje në ankesë të datës 03.01.2024; Përgjigjen në ankesë të datës 09.01.2024; Pytësorin për identifikimin e sistemeve shtetërore të informacionit dhe komunikimit me rendesi strategjike; Vlerësimin nga komisioni; Procesverbalin VI të datës 13.04.2023.

Kolegji i Këshillit pasi ka shqyrtuar dhe analizuar shkresat e lëndës ka konstatuar se ankesa është e bazuar dhe se çështja duhet të kthehet në rishqyrtim dhe rivendosje të organi që ka nxjerrë aktin e kontestuar më ankesë, *sepse*:

Nga administrimi i provave të lëndës rezulton se ankuesja është i punësuar në pozitën e punës *Zyrtar i Teknologjisë Informativë për Ndihmë Online* në Sektorin Ndihma Online dhe Promovimi i E-Qeverisë, në Agjencinë e Shoqërisë së Informacionit, Ministria e Punëve të Brendshme.

Tutje nga shkresat e lëndës, Kolegji ka gjetur së Qeveria e Republikës së Kosovës me Vendimin Nr.07/132 të datës 08.03.2023, ka themeluar Komisionin për Vlerësimin e Sistemeve Shtetërore të Informacionit dhe Komunikimet me Rëndësi Strategjike, përgjegjës për shqyrtimin e kërkesave të dërguara nga institucionet që kanë të bëjnë me sistemin shtetërore të informacionit dhe komunikimit me rëndësi strategjike sipas Rregullores Nr.11/2023 për Ekspertët, dhe dërgimin në Qeveri të listës së Eksperteve, të kategorizuar në shtojcën 14.4 të Ligjit Nr.08/L-196 për Pagat në Sektorin Publik.

Komisioni për Vlerësimin e Sistemeve Shtetërore të Informacionit dhe Komunikimet me Rëndësi Strategjike, ka përgatit Raportin e punës, listën e sistemeve shtetërore të informacionit dhe komunikimeve me rëndësi strategjike dhe listën e pozitave të eksperteve sipas Shtojcës 14.4 të Ligjit Nr.08/L-196 për Pagat në Sektorin Publik, të cilat janë miratuar nga Qeveria e Kosovës, me Vendimin Nr.23/165 të datës 12.10.2023.

Duke qenë se pozita e ankueses, *Zyrtar i Teknologjisë Informativë për Ndihmë Online* në Sektorin e Sektorin Ndihma Online dhe Promovimi i E-Qeverisë, në Agjencinë e Shoqërisë së Informacionit, Ministria e Punëve të Brendshme, nuk është përfshirë nga Komisioni gjegjës në Listën e Eksperteve, sipas Shtojcës 14.4 të Ligjit për Paga në Sektorin Publik, e njëjta ka parashtruar ankesë në Këshillin e Pavarur Mbikëqyrës për Shërbimin Civil, duke kundërshtuar Raportin e Komisionit për Vlerësimin e Sistemeve Shtetërore të Informacionit dhe Komunikimin me Rëndësi Strategjike i miratuar sipas Vendimit Nr.23/165 të datës 12.10.2023 të Qeverisë së Kosovës, lidhur me aprovimin e listës së eksperteve sipas Shtojcës 14.4 të Ligjit Nr.08/L-196 për Pagat në Sektorin Publik, me pretendimet ankimore se përmes aktit të kontestuar me ankesë i janë cenuar të drejtat nga marrëdhënia e punës sepse pozita e Zyrtarit të Teknologjisë Informativë për Ndihmë Online është ekuivalente me pozitën Ekspert/e 7, Kategoria B, Koeficienti 10, ngase duke marrë për bazë përshkrimin e detyrave të punës dhe detyrave shtesë (*Menaxhmi i proceseve, thirrjeve dhe shkresave online për çështje të ndihmës për palët brenda institucioneve dhe për qytetarët e biznesit lidhur me informatat elektornike të prezantuara në e-portalin shtetëror Informata të përgjithshme për administratën dhe shërbimet tjera publike, Mbështetje souftuerike-aplikative për shfrytëzimin e shërbimeve e-qeverisjes, Anketimi dhe organizimi i takimeve lidhur me kënaqshmërinë e shfrytëzuesve me shërbimet e mbështetjes dhe ndihmës online*), andaj mbi këtë kërkon nga Këshilli që të aprovoj ankesën si të bazuar pasi që titulli i pozitës *Zyrtar i Teknologjisë Informativë për Ndihmë Online* është ekuivalent me përshkrimin e detyrave të punës si Ekspert/e.

Kolegji i Këshillit duke vepruar sipas autorizimeve kushtetues dhe ligjore për mbikëqyrjen e respektimit të rregullave dhe parimeve që rregullojnë shërbimin civil, dhe në kuptim të shqyrtimit të pretendimeve ankimore ka analizuar dispozitat e Rregullores (QRK) Nr.11/2023 për Ekspertët, më të cilën janë përcaktuar rregullat dhe procedura për zbatim të Shtojcës 14.4 të Ligjit Nr.08/L-196 për Pagat në Sektorin Publik, me theks të veçantë:

**Nenin 3,** më të cilin është përcaktuar se: 1. Shprehjet e përdorura kanë këtë kuptim: 1.1. sistemet shtetërore të informacionit dhe komunikimit më rëndësi strategjike - nënkupton sistemet që plotësojnë së paku njërin nga kriteret në vijim: 1.1.1. infrastruktura kritike e informacionit (IKI), që përfshinë sistemet ose funksionet, paaftësimi ose shkatërrimi i të cilave do të mund të cenonte sigurinë kombëtare, qeverisjen, ekonominë ose mirëqenien sociale të vendit; 1.1.2. sistemet përmes të cilave qeveria realizon funksionet e saj themelore (sistemet e tatimeve, doganave, thesarit, buxhetit, prokurimit publik, shëndetësisë, mirëqenies sociale, arsimit, sigurisë, gjykatave, prokurorisë, sigurisë kibernetike, mbrojtjes, etj.); 1.1.3. regjistrat kyç shtetëror (regjistri civil, regjistrat kadastral, regjistri i bizneseve, regjistri i OJQ-ve, regjistri i lëndëve gjyqësore, regjistri i adresave, regjistri i automjeteve, etj.); 1.1.4. sistemet të cilat lidhen me menaxhimin e proceseve në administratën publike (sistemi i menaxhimit të burimeve njerëzore; sistemin për menaxhimin e financave, sistemi i postës elektronike zyrtare shtetërore, sistemi për menaxhimin e pasurisë shtetërore, etj.). 1.1.5. sistemet qendrore të Qeverisjes (Platforma e interoperabilitetit, Portali qendror për shërbime ndaj qytetarëve dhe bizneseve, Sistemi i identifikimit dhe nënshkrimit elektronik); 1.1.6. qendrat shtetërore të të dhënave; 1.1.7. rrjeti qeveritar; 1.1.8. sistemet e sigurisë që mundësojnë sigurinë kibernetike, sigurinë e rrjetit qeveritar, të dhënave dhe të qasjes në sisteme kompjuterike.

**Nenin 4:** Institucioni i cili vlerëson se posedon, menaxhon ose koordinon funksionimin e sistemeve shtetërore të informacionit dhe komunikimit më rëndësi strategjike e që plotësojnë kriteret e përcaktuara në këtë rregullore, duhet të bëjnë kërkesë tek Komisioni, sipas dispozitave të kësaj Rregulloreje. 2. Kërkesa e Institucionit për konsiderimin e sistemeve shtetërore të informacionit dhe komunikimit më rëndësi strategjike shtetërore duhet të përmbajë: 2.1. informacionin për nivelin e klasifikimit të sistemeve përkatëse të rrjetit dhe informacionit; 2.2. kategorinë e shërbimeve që ofrojnë sistemet përkatëse të rrjetit dhe informacionit; 2.3. përshkrimin e të dhënave që përmbajnë sistemet përkatëse; 2.4. ndikimin e sistemeve përkatëse të rrjetit dhe informacionit në realizimin e objektivave të institucioneve shtetërore; 2.5. ndikimin e sistemeve përkatëse të rrjetit dhe informacionit në realizimin e obligimeve ligjore të institucioneve të tjera shtetërore; 2.6. ndikimin e sistemeve përkatëse të rrjetit dhe informacionit në realizimin e shërbimeve esenciale siç janë: shërbimet publike, shëndetësia, siguria, drejtësia, arsimi dhe mbrojtja; 2.7. rrezikun për sisteme përkatëse të rrjetit dhe informacionit nga sulmet kibernetike të brendshme apo të jashtme; 2.8. funksionet menaxhuese/koordinuese dhe shikallën e njohurive të specializuara që kërkohen për menaxhimin, koordinimin, zhvillimin, administrimin, mirëmbajtjen dhe avancimin e sistemeve përkatëse të rrjetit dhe informacionit; 2.9. periudhën kohore të përcaktuar që sistemet përkatëse të rrjetit dhe informacionit mund të mbeten jashtë funksionit; 2.10. sa është unik në nivel shtetëror secili sistemi përkatës i rrjetit dhe informacionit dhe a ofrohen shërbime të ngjashme edhe nga sisteme të tjera të rrjetit dhe informacionit nga institucione tjera shtetërore; 2.11. përshkrimin e informacioneve të tjera të rëndësishme për sistemet përkatëse të rrjetit dhe informacionit që nuk janë përshkruar më lartë dhe që e bëjnë të nevojshme vlerësimin e këtyre sistemeve të rrjetit dhe informacionit si sisteme shtetërore të informacionit dhe komunikimit më rëndësi strategjike shtetërore; 2.12. datën e futjes në funksion të sistemeve përkatëse të informacionit dhe komunikimit; 2.13. emërtimin e pozitave kyçe që janë përgjegjëse për dizajnimin, menaxhimin, koordinimin, zhvillimin, administrimin dhe

mirëmbajtjen e sistemet përkatëse të informacionit dhe komunikimit, dhe propozimin për kategorizim të tyre sipas klasave të përcaktuara në shtojcën 14.4 të Ligjit Nr. 08/L-196 për Pagat në Sektorin Publik. 3. Kategorizimi i sistemeve në bazë të shërbimeve që ofron sipas paragrafit 2, nën paragrafit 2.2 të këtij neni ndahet si më poshtë: 3.1. shërbime për qytetarë 3.2. shërbimet për shëndetësi; 3.3. shërbime për financa / prokurim; 3.4. shërbime për siguri dhe mbrojtje; 3.5. shërbime për arsim; 3.6. shërbime për drejtësi; 3.7. shërbime interne për administratë publike. 4. Kërkesa e aprovuar nga Zyrtari më i lartë administrativ i institucionit, dërgohet tek komisioni qeveritar për vlerësim të sistemeve shtetërore të informacionit dhe komunikimit më rëndësi strategjike.

**Nenin 5:** Kriteret për caktimin e sistemeve shtetërore të informacionit dhe komunikimit më rëndësi strategjike. Sistemet do të vlerësohen si sisteme shtetërore të informacionit dhe komunikimit më rëndësi strategjike nëse plotësojnë të paktën një prej kritereve të përcaktuara në përkufizimin e sistemeve shtetërore të informacionit dhe komunikimit me rëndësi strategjike në paragrafin 1.1 të nenit 3 të kësaj Rregulloreje...."

**Neni 6:** "... 5. Klasat e pozitive si në paragrafin 4 të këtij neni, ju dedikohen mbajtësve të pozitive drejtuese të njësive organizative të fushës së teknologjisë së informacionit dhe komunikimit, duke filluar nga drejtues të departamenteve, drejtorive, divizioneve, sektorëve apo njësive varësisht nga organizimi institucional në nivel të ndryshëm të Ministrive, Agjencive apo institucioneve të tjera të pavarura, koordinatorë qendrorë të procesit të digjitalizimit, deri në nivel të ekspertëve profesional që administrojnë, zhvillojnë ose mbështesin sisteme shtetërore me rëndësi strategjike. 6. Lista e ekspertëve sipas paragrafit 4 të këtij neni duhet të përmbajë minimalisht të dhënat si në vijim: 6.1. sistemet shtetërore të informacionit dhe komunikimit me rëndësi strategjike; 6.2. institucionet që posedojnë, menaxhojnë e koordinojnë sisteme shtetërore të informacionit dhe komunikimit më rëndësi strategjike; 6.3. llojet dhe klasat e pozitive të përcaktuara brenda secilit institucion që posedon, menaxhon ose koordinon sisteme shtetërore të informacionit dhe komunikimit me rëndësi strategjike.

Rrjedhimisht, nga vlerësimi i Raportit të Punës së Komisionit për Vlerësimin e Sistemeve Shtetërore të Informacionit dhe Komunikimit me Rëndësi Strategjike, rezulton se Komisioni në fjalë ka kategorizuar si sisteme me rëndësi strategjike në Agjencia e Shoqërisë së Informacionit, këto sisteme të TIK: Sistemet e Informacionit për Siguri Kibernetike Qeveritare, Sistemet e Informacionit në Qendrën Shtetërore e të Dhënave, Platforma e-Kosova, Platforma e Interoperabilitetit-GG, Sistemi i telefonis dhe rrjetit kompjuterik shtetëror, Infrastruktura për hosting të aplikacioneve dhe data bazave përkatëse të IRK-ve në platformën Microsoft, Infrastruktura për hosting të aplikacioneve dhe data bazave përkatëse të IRK-ve në platformën Open Source, Sistemi elektronik për menaxhimin pasurisë shtetërore e-Pasuria, Sistemi i Intranetit të Komunave (SIK), Sistemi për Menaxhimin dhe Arkivimin Elektronik të Dokumenteve-SMAED, Sistemi elektronik i kartelave identifikuese, Sistemi i menaxhimit të vijueshmërisë në punë (SMVP). Andaj, mbi bazën e këtyre fakteve Kolegji i Këshillit vlerëson se Komisioni për Vlerësimin e Sistemeve Shtetërore të Informacionit dhe Komunikimit me Rëndësi Strategjike, me rastin e mos përfshirjes së pozitës "Zyrtar i Teknologjisë Informative për Ndihmë Online" në ASHI të cilën e mban ankuesi në listën e eksperteve nuk ka vërtetuar drejtë gjendjen faktike dhe gabimisht ka zbatuar ligjin material ngase me nenin 6 paragrafi 5 të Rregullores (QRK) Nr.11/2023 për Ekspertët parashihet se klasat e pozitive ju dedikohen mbajtësve të pozitive drejtuese të njësive organizative të fushës së teknologjisë së informacionit dhe komunikimit, duke filluar nga drejtues të departamenteve, drejtorive, divizioneve, sektorëve apo njësive varësisht nga organizimi institucional në nivel të ndryshëm të Ministrive, Agjencive apo institucioneve të tjera të pavarura, koordinatorë qendrorë

të procesit të digjitalizimit, deri në nivel të ekspertëve profesional që administrojnë, zhvillojnë ose mbështesin sisteme shtetërore me rendësi strategjike, nga rrjedh se pozita që mban ankuesja është e nivelit profesional dhe si e tillë ka të bëjë me përkrahjen në Sektorin e Ndihma Online dhe Promovim të e-Qeverisjes, ndërlidhët drejtpërdrejt me portalin e-Kosova, i cili është njohur si sistem me rendësi strategjike. Andaj, në vlerësimin e Kolegjit të Këshillit, komisioni përkatës, në rrethanat e rastit konkret ka vepruar në kundërshtim me shtojcën N.14.4 të Ligjit Nr. 08/L-196 për Pagat në Sektorin Publik dhe Rregulloren (QRK) Nr.11/2023 për Ekspertët, e që nënkupton se edhe kualifikimin i pozitës të cilin e mban ankuesja siç është përcaktuar edhe me shtojcën nr.14.4 të Ligjit Nr. 08/L-196 për Pagat në Sektorin Publik.

Për sa me sipër, e si rezultat i shkeljeve të evidentuara si me lartë, u vendos që të aprovohet ankesa si e bazuar, dhe çështja të kthehet në *rishqyrtim dhe rivendosje* të Komisioni për Vlerësimin e Sistemeve Shtetërore të Informacionit dhe Komunikimet më Rëndësi Strategjike, me detyrimin që ky i fundit në ri-procedurë të veprj sipas pikëpamjeve juridike të këtij vendimi, duke rishqyrtuar çështjen e përfshirjes së pozitës Zyrtar i Teknologjisë Informative për Ndihmë Online (*të cilën e ushtron ankuesja*) në listën e eksperteve dhe të ndërmerr veprimet e nevojshme ligjore në pajtim me dispozitat ligjore në fuqi.

Andaj, theksuar si me sipër dhe duke u bazuar në nenin 18 paragrafin 1 nën paragrafin 1.2 dhe 1.6 të Ligjit Nr.06/L-048 për Këshillin e Pavarur Mbiqëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Ky vendim hyn në fuqi në ditën e nënshkrimit nga Kryetarja e Kolegjit.

**Këshillë juridike:** Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij Vendimi.

## KËSHILLI I PAVARUR MBIQËQYRËS PËR SHËRBIMIN CIVIL TË KOSOVËS

Lënda me numër A.nr.1564/2023

Kaltrina Avdullahi-Prenaj

Zyrtare e Lartë për Bashkëpunim Profesional

Malsore GASHI-BAJRAKTARI

Kryetarja e Kolegjit



### Vendimi i dorëzohet:

- Ankueses
- Komisionit për Vlerësimin e Sistemeve Shtetërore të Informacionit dhe Komunikimet më Rëndësi Strategjike/Qeveria e Kosovës;
- Njësisë së Burimeve Njerëzore në Agjencinë e Regjistrimit Civil - MPB; dhe
- Arkivit të KPMSHCK-së.